

Donostia, 2017ko ekainaren 23a

IDAZKARI NAGUSIARI

CEP HARRI BERRI – OLETA LHI LEHEN HEZKUNTZAKO IKASTETXEAREN EKIALDEKO AMIANTOZ HESITUTAKO LURSAILARI BURUZKO KONTROL MOZIOA

Irabazi Donostia taldeko zinegotzi Loïc Alejandrok, Udalbatzaren Araudi Organikoaren 98. artikulua oinarri, KONTROL MOZIO hau aurkezten du. Mozioa hilabete honetan Lurraldearen Garapen eta Planifikazio Batzordean Altzako kiroldegiaren inguruan amiantoa aurkitu den lursailei buruz aurkeztutako interpelazioaren ondorio da.

JUSTIFIKAZIOA

Aurtengo martxoan ohartu ginen CEP Harri Berri – Oleta LHI Lehen Hezkuntzako ikastetxearen ekialdeko 3. eremuko hesiak zenbait irekigune zituela, oraindik handik sartzen den jendeak eginak. Arazo hori bereziki larria da, izan ere:

- Lursail horretan amiantoa gainazalean ez ezik agerian ere badago.
- Lurzoruko amianto kontzentrazioa handiagoa da aztertutako gainerako lursailetakoa baino.
- Lursail hori ikastetxeko jolastokiaren mugakidea da, eta lurzoruan bistan dagoen amiantoa ikastetxeko jolastokitik 2 metrotara dago, gutxi gorabehera.

Alde batetik, amiantoa arnasteak osasunarentzako kaltea dakar manipulatzeko bitartean soilik. Bestetik, airea aztertu da, eta emaitzak negatiboak izan dira kasu guztietan. Beraz, lursailean sartzeko aukerarik ez badago, lursail horretan dagoen amiantoa manipulatzeko aukerarik ez dago, eta arnasteak ez dakar osasunarentzako arriskurik. Hesiaren eraginkortasuna eta osasunarentzako arrisku potentziala zuzenean lotuta daude. Lursailean zenbat eta jende gutxiago sartu, orduan eta arrisku txikiagoa.

Horregatik eskatu genuen martxoko gure mozioaren 2. puntuari itxitura seguruago bat jartzeko, lursailean sartzea ahalik eta gehien eragozteko. Gobernuak kontrako botoa eman zuen puntu horretan eta argudiatu zuen ezin zela itxitura seguruagorik jarri, amiantoa egonda itxitura zoruan finkatzerik ez zegoelako. 3. eremuan itxitura ez hobetzearen ondorioa aurrez ikus zitekeen: plastikozko bridak ebaki, itxitura ireki eta lursail barrura etengabe sartzen zen jendea.

Egoera horri erantzunez, Udal Gobernuak iritzia aldatu du, martxoan gure mozioa bozkatu zenetik, eta bigarren hesi bat jarri du, lehenengoaren antzekoa; hau da, oinarritik erraz kentzen diren zutoinez egingo da, eta zutoin horiek plastikozko bridaz lotuta. Neurri hori bide onetik doa, baina lehenengo hesiko bridak guraizez edo cutterrez ebaki, zutoinak kendu eta handik pasatzen zen jendeak nahiko erraz egingo du gauza bera orain ere.

Batzordean aipatu genuen, esate baterako, Kontxa pasealekuko obren hesia ez dela lurzoruan ainguratu behar. Plastikozko olana batean jarritako kofratua da: hormigoia botatzen da eta hesia osatzen duten zutoinak segurtasunez finkatuta geratzen dira. Horregatik eskatu genuen antzeko hesi bat egitea 3. eremuko zati lau eta asfaltatuetan.

Zinegotzi ordezkariak ezezkia eman ostean, gutxienez kateak eta giltzarrapoak jartzea eskatu genuen, hesiaren elementuak ez banantzeko. Berrito ezezko erantzuna jaso genuen. Zinegotzi ordezkariak argudiatu zuen norberaren baratzara sartu nahi zuen jendeak berdina moztuko zituela kateak, eta joan-etorria behin betiko eragotziko zuen neurria izan ezean ez zuela merezi abian jartzea.

Hainbat arrazoi direla eta, ez gaude ados Udal Gobernuaren argudioarekin:

- Bigarren hesi bat jartzea ere ez da joan-etorria behin betiko eragotziko duen neurria. Baina, hala ere, Udal Gobernuak jarri du, lursailera gutxiago sartzeko lagungarria izan daitekeela iritzita. Kateak eta giltzarrapoak jartzeak helburu berbera izango luke.
- Teknikoki, plastikozko bridak edo giltzarrapoz lotutako kate bat mozteak ez da gauza bera: alboko Lehen Hezkuntzako ikastetxeko haurrek eskolan erabiltzen dituzten guraizeez moztu daitezke plastikozko bridak. Kate bat, ordea, ez.

- Sinbolikoki, plastikozko bridak edo giltzarrapoz lotutako kate bat moztea ez da gauza bera: plastikozko bridak ebakitzea, funtsean, zutoinei eusteko elementu bat moztea da. Giltzarrapoz lotutako kate bat moztea da, argi eta garbi, ez pasatzeko jarritako elementu bat moztea.
- Ez dakigu lursailera sartzen diren pertsonak baratzeen erabiltzaileak ote diren. Alde batetik, Tomasenen ekainaren 13an egindako bilera publikoan auzoko batek esan zuen hurrak hara joaten direla ikastetxeko hesiaren gainetik pasatu diren baloien bila. Bestetik, ikusten da lursailaren barruan (ikastetxeko hesiaren parean) dagoen zuhaiztia jolas eremua dela.

Udal Gobernuari eskatzen diogu kateak eta giltzarrapoak jartzeari emandako ezezkoa azter dezala berriro. Egin beharreko inbertsioa eta lana ez dira aintzat hartzekoak, eta neurri askoz ere eraginkorragoa da plastikozko bridak jartzea baino. Garrantzi handikoa da kaletik ikusten den hesi zatian jartzea kate horiek; izan ere, eremu horretan irekigune bat ikusteak heldu eta gazte gehiago lursailera sartzera bultzatzen ditu.

Horiek guztiak horrela, hau da gure

KONTROL MOZIOA

1. Donostiako Udaltzarak neurri hauek eskatzen dizkio Udal Gobernuari:
 - CEP Harri Berri - Oleta LHI Lehen Hezkuntzako ikastetxearen mugakide den lursailean amiantoa aurkitutako gunea inguratzen duen hesiaren elementuak berma ditzala kateak eta giltzarrapoak baliatuta, ezinezkoa izan dadin hesiaren zatiak nahikoa banantzea pertsona heldu edo gazte bat tartetik pasatzeko, ezta zutoinak oinarritik aterata ere.
 - Kate eta giltzarrapo horiek jar ditzala kaletik ikusten den zatian, astero egiazta dezala hesi guztia osorik dagoela, eta irekiguneak ikusitako tokietan kateak eta giltzarrapoak jar ditzala.

Sin. Loïc Alejandro,
Irabazi Donostia taldeko zinegotzia.